



كأنك مطر متعلق فالسما ما طاح

الأرواح.. تقرا كل ما تكتب الأرواح
تحس ببعضها لا غفت.. تسهر .. وتسهر !
وانا اكتب غلاك الجاي ما اسأل عن اللي راح
من العمر يا اللي بك يكون الغرام أظهر
أحبك واعلقّ ضحكك داخلي مصباح
لأن السنين اللي بدونك غدت ! .. تقهر
كأنك مطر متعلق فالسما ما طاح
كأني جفاف استشعر هطوله.. وأزهر !
من الغيم جيتي .. يا شذا عطرك الفواح
من الجواهر الأنقى إلى الأروع المظهر
تحت شفتك .. لو شامتك .. فكّرت ترتاح
تعبها من اللي فوقها حسننها يجهر
شفايفك لو زايد شهدها عليها ساح
يجي لابتسام الثغر توقيعه الأمهر
وانا من عرفتك صرت بك عاشق لمّاح
وأنا بك أكون الشاعر الأكثر الأشهر !

زايد الرويس

قلاده وخاتم

هي جت كذا ودّي وولاهوب ودّي
ما تمّت البسمات بس البكا؟ تم
اللّمه اللي نصفها؟ نسل جدّي
كنها على جرحي تعزم وتعاتم..
ذبحلها جفني مسامات خدّي ...
أزوالها..؟ ضيفان والجفن..؟ حاتم..
أصد بدموعي وأكابر بقدي ..
أخاف لا ينطق بفرقاي... كاتم
وشاحس الابيض..؟ بعيني؟.. يبدّي
الخوف والرهبه وحزن المياتم..
أنتي..؟ توفقتي.. بشوف المقدّي..
وأنا....؟ توفقت . بسواليف...؟ شاتم
أنا أعترف بني خسرت التحدي..؟
مبكي..؟ وبكتني..؟ قلاده... وخاتم...

سعد بن علوش

